



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
OPĆINSKI NAČELNIK

Na osnovu članova 8. i 13. Zakona o principima lokalne samouprave („Službene novine FBiH“, br. 49/06 i 51/09), člana 10. i 68. Statuta Općine Centar Sarajevo („Službene novine Kantona Sarajevo“, br. 23/04 i 11/13), Odluke o izvršavanju Budžeta Općine Centar Sarajevo za 2017. godinu („Službene novine Kantona Sarajevo“, broj 11/17) i Odluke o raspodjeli dijela novčanih sredstava za podršku stambenom zbrinjavanju mladih kroz refundiranje troškova plaćenog poreza na promet nekretnina broj: 01-49-1848/17 od 27.07.2017. godine, Općinski načelnik upućuje

JAVNI POZIV

Za refundiranje dijela troškova plaćenog poreza na promet nekretnina za mlade sredstvima Budžeta Općine Centar Sarajevo za 2017. godinu

1. LICA KOJA MOGU OSTVARITI PRAVO NA NOVČANA SREDSTVA

Pravo na dodjelu novčanih sredstava za refundiranje troškova na ime plaćenog poreza na promet nekretnina mogu ostvariti lica koja na dan podnošenja zahtjeva imaju do 35 godina života sa prebivalištem na području Općine Centar, a koji prvi put rješavaju stambeno pitanje kupovinom stana na području Općine Centar.

Mladi su osobe u životnoj dobi do navršenih 35 godina starosti, shodno Zakonu o mladima Federacije Bosne i Hercegovine („Službene novine Federacije BiH“, broj 36/10).

2. KRITERIJI ZA DODJELU SREDSTAVA

Novčana sredstva će se dodjeljivati licima pod uslovom da ispunjavaju dalje navedene kriterije:

- da je punoljetni državljanin Bosne i Hercegovine sa neprekidno prijavljenim prebivalištem u Općini Centar Sarajevo od najmanje 5 godina od dana podnošenja zahtjeva;
- da na dan podnošenja zahtjeva ima do 35 godina života;
- da nema, niti je imalo u vlasništvu, suvlasništvu ili zajedničkom vlasništvu nekretninu na području Bosne i Hercegovine (ne odnosi se na predmetnu nekretninu);
- da bračni drug i djeca nisu vlasnici, suvlasnici ili zajednički vlasnici nekretnina na području Bosne i Hercegovine;
- da suvlasnik nekretnine ispunjava ove uslove, a koji nije ostvario pravo na refundiranje po istom osnovu;
- da ima zaključen ugovor o kupoprodaji nekretnine;
- da je upisano kao vlasnik nekretnine za koju zahtjeva refundiranje.

Napomena: Dokumenti koji su obavezujući kao i Odluku o raspodjeli dijela novčanih sredstava za podršku stambenom zbrinjavanju mladih kroz refundiranje troškova plaćenog poreza na promet nekretnina broj: 01-49-1848/17 od 27.07.2017. godine možete preuzeti na web stranici: www.centar.ba ili na info pultu Općine Centar Sarajevo.

Prijava sa dokumentacijom se podnosi Službi za stambene poslove Općine Centar Sarajevo u Ulici Mis Irbina broj 1 Sarajevo, sa naznakom **"REFUNDIRANJE POREZA NA PROMET NEKRETNINA"**.

Za sve informacije možete se javiti na telefon 56 23 43

Nepotpuna i neblagovremena dokumentacija neće se uzeti u razmatranje.

Javni poziv će biti otvoren do 31.12.2017. godine, a u skladu sa raspoloživim budžetskim sredstvima.